



**Republika e Kosovës**  
**Republika Kosova - Republic of Kosovo**

**ZYRA E RREGULLATORIT PËR ENERGJI**  
**REGULATORNI URED ZA ENERGIJU**  
**ENERGY REGULATORY OFFICE**



Prishtinë, 23 mars 2023  
Kodi i ZRRE: V\_1706\_2023

**Bordi i Zyrës së Rregullatorit të Energjisë,**

**Duke u bazuar në:**

- Dispozitat e Nenit 9, paragrafi 1, nën paragrafi 1.7, Nenit 15 paragrafi 1 nënparagrafi 1.5, Nenit 25, Nenit 26 paragrafi 1, nën paragrafi 1.2, Nenit 46 paragrafi 1 nënparagrafi 1.1 Nenit 47 paragrafi 3 nënparagrafi 3.3 dhe Nenit 48 të Ligjit për Rregullatorin e Energjisë (Ligji Nr. 05/L-084);
- Dispozitat e Nenit 27 të Ligjit për Energjinë Elektrike (Ligji Nr. 05/L-085);
- Dispozitat e Rregullës Nr. 05/2017 për vendosjen e të hyrave të lejuara maksimale të Operatorit të Sistemit të Shpërndarjes (Rregulla për Të Hyrat e OSSH-së);
- Njoftimin e ZRRE Nr. 274/22 të datës 26.05.2022 për Procesin e Shqyrtimit të Tretë Tarifar; dhe
- Aplikacionin e Operatorit të Sistemit të Shpërndarjes – OSSH (KEDS SH.A) për të Hyrat e Lejuara Maksimale për Operatorin e Sistemit të Shpërndarjes për Periudhën e Tretë Rregullative (PRR3), të dorëzuar më datën 22 nëntor 2022;
- Vendimin për të Hyrat e Lejuara Maksimale për Operatorin e Sistemit, Transmisionit dhe Tregut OST/OT, Nr. V\_1705\_2023;

**në seancën e mbajtur më 23 mars 2023 nxori këtë:**

## **V E N D I M**

- I. APROVOHEN TË HYRAT E LEJUARA MAKSIMALE (në tekstin e mëtejshëm: HLM) që do të mblidhen nga Operatori i Sistemit të Shpërndarjes (OSSH) KEDS SH.A., për Periudhën e Tretë Rregullative PRR3 (2023-2027).**
- II. Të Hyrat e Lejuara Maksimale që do të mblidhen nga OSSH për Periudhën e Tretë Rregullative PRR3 (2023-2027) janë paraqitur në tabelën në vijim:**

<b>Të hyrat e Lejuara Maksimale PRR3</b>	<b>2023</b>	<b>2024</b>	<b>2025</b>	<b>2026</b>	<b>2027</b>
	<b>€000</b>	<b>€000</b>	<b>€000</b>	<b>€000</b>	<b>€000</b>
<b>HLM për OSSH</b>	<b>133,807</b>	<b>136,772</b>	<b>133,075</b>	<b>128,589</b>	<b>125,349</b>

- III. OBLIGOHET - Operator i Sistemit të Shpërndarjes (OSSH) në përputhje me Metodologjinë e Tarifave për Shfrytëzimin e Sistemit të Shpërndarjes dhe Metodologjinë e Taksave për Kycje në OSSH që të**

përgatisë dhe dorëzojë për aprovim në ZRRE tarifat për shfrytëzim të sistemit të shpërndarjes, sipas këtij Vendimi.

- IV. Ky vendim do të zbatohet nga Operatori i Sistemit të Shpërndarjes (OSSH/KEDS) duke filluar nga 01 prill 2023.


## ARSYETIM


- Zyra e Rregullatorit për Energji (ZRRE) më datë 26 maj 2022 ka iniciuar Procesin e Shqyrtimit të Tretë Periodik për operatorët e rregulluar duke përfshirë edhe Operatorin e Sistemit të Shpërndarjes (OSSH).
- ZRRE sipas njoftimit të saj ka vlerësuar se ky proces i Shqyrtimit të Tretë Periodik për tarifat shumëvjeçare (PRR3) ka për qëllim për të vendosur të Hyrat e Lejuara Maksimale (HLM) të të Licencuarve OST/OT dhe OSSH, për periudhën 1 prill 2023 deri më 31 mars 2027.
- ZRRE me datë 22 nëntor 2022 nga Operatori i Sistemit të Shpërndarjes (OSSH), ka pranuar aplikacionin për Hyrave të Lejuara Maksimal për PRR3 2023-2027.
- ZRRE pas vlerësimit fillestar të Aplikacioneve lidhur me të Hyrat e Lejuara Maksimale (HLM/MAR) për të licencuarin e Operatorit të Sistemit të Shpërndarjes (OSSH-KEDS sh.a), i licencuari dhe palët tjera të interesit kanë pasur mundësi t'i paraqesin komentet e tyre përmes konsultimit publik për periudhë dy javore.
- ZRRE më datë 16 shkurt 2023 ka publikuar Raportin Konsultativ për të Hyrat e Lejuara Maksimale për OSSH për PRR3.
- Raporti konsultative ka paraqitur propozimet e ZRRE-së për HLM që do të mbulohen nga OSSH-së gjatë Periudhës së Tretë Rregullative PRR3. Të Hyrat e Lejuara Maksimale të miratuara do të përcaktojnë tarifat për Shfrytëzimin e Sistemit të Shpërndarjes të cilat do të ju ngarkohen shfrytëzuesve të Sistemit të Shpërndarjes. Raporti është vënë në diskutim publik me synimin që të marrë komentet e palëve të interesit për propozimet e ZRRE-së.
- ZRRE gjatë konsultimit publik ka pranuar komente nga palë të ndryshme të interesit ndaj Raportit Konsultativ lidhur me HLM të PRR3, dhe atë nga Korporata Energjetike e Kosovës (KEK), Sindikata e pavarur Elektrokosova KEDS, Qeveria e Republikës së Kosovës dhe Operatori i Sistemit të Shpërndarjes.
- Operatori i Sistemit të Shpërndarjes ka dorëzuar komentet me datë 03 mars 2023, ndaj Raportit Konsultativ për të Hyrat e Lejuara Maksimale të Energjisë Elektrike në kuadër të PRR3.
- ZRRE ka trajtuar komentet e OSSH dhe pas analizimit dhe vlerësimit profesional ka paraqitur përgjigjet me shkrim të cilat i ka përfshirë në Raportin Përfundimtar.


- o ZRRE po ashtu i ka analizuar edhe komentet e Korporata Energjetike e Kosovës (KEK), Sindikata e pavarur Elektrokosova KEDS dhe Qeveria e Republikës së Kosovës, ku pas analizimit dhe vlerësimit profesional ka paraqitur përgjigjet me shkrim të cilat i ka përfshirë në Raportin Përfundimtar.
  - o Raporti Përfundimtar i Shqyrtimit të Hyrave të Lejuara Maksimale për OSSH, përfshinë vlerësimet përfundimtare dhe përgjigjet në komente të palëve të interesit për çështjet e ngritura dhe vlerësimet përfundimtare.
  - o Vlen të theksohet që të Hyrat e Lejuara Maksimale për OSSH-në do t'i nënshtrohen procesit të Përshtatjeve të Rregullta Vjetore, sipas Rregullës Nr. 05/2017 për Të Hyrat e OSSH-së, të nxjerr nga ZRRE.
  - o Bordi i ZRRE-së pas vlerësimit dhe analizimit të raporteve relevante dhe pas shqyrtimit të komenteve të pranuar nga palët, dhe duke u mbështetur në dispozitat ligjore të cekura në hyrje të këtij vendimi, ka vendosur si në dispozitiv të këtij vendimi.
- V. Vendimi nxirret dhe publikohet në gjuhët zyrtare në Republikën e Kosovës.
- VI. Vendimi hyn në fuqi në datën e miratimit nga Bordi i ZRRE-së, dhe i njëjti do të publikohet në ueb faqen zyrtare të ZRRE-së.

**Këshillë juridike:** Pala e pakënaqur me këtë vendim mund të inicioj konflikt administrativ në Gjykatën kompetente, brenda tridhjetë (30) ditëve, nga data e pranimit të vendimit ose data e publikimit të tij në faqen elektronike të ZRRE-së, cilado që ndodhet e fundit.

**Bordi i ZRRE-së:**

  
Ymer Fejzullahu, kryesues

  
Lutfije Dervishi, anëtar

  
Gani Buçaj, anëtar

**Vendimi iu dërgohet:**

- KEDS,
  - KESO,
  - KOSTT dhe
- Arkivit të ZRRE-së.